庫全書

子部

飲定四峰全書 王演周易孔子述春秋則乾坤之陰陽效洪範之咎證 漢五行志河圖洛書相為經緯八卦九章相為表裏文 Ja Tarent J. Li 羣 書考索續集卷二十四 五行門 舒治公羊春秋始推陰陽為儒者宗劉向治穀 五行 作書考索債係 宋 章如愚 編

為學及其難合則旁引曲取而遷就其說益自漢儒仲 秋著于篇〇後漢五行志司馬彪作又晉五行志及隋 通也父子之言自相戾昔箕子陳九疇初不相附屬而 舒向歌皆以春秋洪範為學而失聖人之本意至其不 大縣承襲漢志獨唐五行志云灾異之學莫不指事以 載眭孟夏侯勝京房谷永李尋之徒所陳行事以傳春 亦已乖矣言五行傳义頗不同是以攬仲舒劉向歆傳

多好四母全書

数其禍福傳以洪範與仲舒錯嵌治左氏傳共春秋意 を二十四

變恐懼修省而已若推其事應則有合有不合至於不 向為五行傳乃取其五事皇極度證附於五行以為八 合則将君子怠馬以為偶然而不懼此其深意也益聖 異而不著其事應以謂天道遠非諄諄諭人君子見其 事皆屬五行則至於八政五紀三德稽疑福極之類又 云〇唐五行著灾異而不言事應五代紀言人事而不 不能附至俾洪範之書失其倫序〇孔子於春秋記灾 こうしん "謹而不言故畧依洪範五行傳著其火共而削事應 作書考索驗集

謂不肅 歌谷 多定四库全書 故常存而不究也春秋 子作春秋而天人備予述本紀書人而不書天子何 著火祥但存之司天及以為有司所 不以天参人絕天於人則天道廢以天参人則人事惑 異於聖人哉其文異其意一也益聖人不絕天於人亦 圖 所以然者云故以其官誌之以 · 庸歌各狂好德 · 素法如是 你是 我不節奪民 !! 3 雖日食星變之類孔子未常道 卷二十四 農飲 律厥 時食 逐極及不 功惡 備司天之考 有 字 及我一般太子以妄以好非不明直 記〇五代史告

各不是 急戰極犯官 尺档直 こりり 00 圖 富欣攻疾规室 肝, 聖謂 **時金** 厥 罰輕說戚治 0 厥 雨從 罰 处 簡 常百日 侮豪 1 草 極常 寒姓順父榭 0 飾之母內是 時 弱陰 厥城其 温謂 火 之 夫 稼 順常棒極郭福 不不 美從 上 之風祠貨侵壽 穡 0 其 厥 0 廢説邊 0 不 水 0 貌 福厥祭曰境好 時潤聽恭 金 足视 考極礼順 寒下聰肅 終凶逆之 謂 2 不 ○謀 命短天其 0 不 順罰 時王10 折時福 吉 哲明之 皇 風稼 思從 水是糖 厥 之不 0 春義 謂 بح 咎 福 Ł 堲 0 不 不 謀聰燠厥寕極 0 视 極 润 木明 0 厥 罰 憂. 不思 0 曲哲 厥常治

五行之 水遇寒則結遇火則竭從其所勝也 也故火水土石不及金木金木生其間也火生濕水生 相生也體性相須也是以陽去則陰竭陰盡則陽滅 陰陽生水火陽生陰故水先成陰生陽故火後成陰陽 金火木從類金火相守則流火不相傳則然其類也口 0 水不潤下〇土不稼橋〇常〇思不春蒙〇木不曲直〇紀不恭任〇言不從借〇視 1相生五行之木萬物之類也五行之金出乎石 常 燠 () 常 不從卷 寒〇常風〇六極 金不 不明 上同 徒草 O 火不 水像 O 聴不聴 炭急 節康

金分四人人

也益得土之精實於火之際也土也者物之以成始 精於土之清故水火相持而不相害爍爍反流而不 於水火之交也金之為物得火之精於土之燥得水 故水之為物水漬則生火燃而不離也益得土之浮 降土不得制馬木金者土之華 實也其性有水火之雜 從草而不能自反也水火氣也故炎上潤下與陰陽 五行之相得水曰曲直既能屈而反伸也金曰從草 燥 欠正可見合語 **棒智方原绮集**

盡也 成終也地之質也化之終也水火之所升降物兼體而 金万世人人 而木木而火火而土土而金金復水如環無端五氣 右火陽盛故居左木陽稱故次火金陰稚故次水土沙 五行自陰陽陽變陰變而生水火木金土水陰盛故 陰陽為水火水者陰凝而陽未勝也火者陽麗而陰未 不遗者也 故居中而水火之交系乎上陰根陽陽根陰也水 をニナ

陽而静陰也以 水陰也又統而言之則氣陽而質陰也又錯言之則動 語其生之序則曰水火本金土而水木陽也火金陰也 而四時行馬太極 以氣而語其行之序則曰木火土金水而木火陽也金 五行氣質五行者質具於地而氣行於天者也以質而 五行所生之序陽變陰合初生水火水火氣也流動閃 ンニーTime Arthrito 其體尚虚其成形猶未定次生木金而確然有定形 奉書考索鄉集

旋生出来 |矣水火初是自生木金則次於土五金之屬皆從土木 多分口人人 從其類故在左右先生曰水陰根陽火陽根陰錯綜而 只是陽變而助陰故生水 陰合而陽盛故生火木金各 五行循環相生或問以質而語其生之序不是相生否 其端是天一生水地二生火天三生木地四生金到 運行處便水生水木生火火生土土生金金又生水 生木循環相生又如甲乙丙丁戊已庚辛壬癸 100

欠足四年 八号 則曰木火土金水煞水火者陰陽變合之初氣之至 便包壬癸所以為十月 十是五行數卦雖八而數則須十 五行之序 論始生之序 則曰水木火金土論相生之序 是這個物事文 便包甲乙火便包两丁土便包戊已金便包庚辛 八五行本只是五而有十者蓋是一 陰 一陽便是二以二東二便是四以四東四便 军高考索精集 八是陰陽數十是 個便包兩個

之所成然而成始也故次五馬勉 而固故木金次於水火而木又為金之先馬土則四時 且盛者也故為五行之先水陰而根陽火陽而根陰故 水又為火之先也有水火而木金生馬木華而疎金質 羣書考索續集卷二十四

欽定四庫全書 とこのえ 屯 論禮樂仁者天性也義者天情也人而不仁血氣之 禮樂門 天情故聖人制禮以節之作樂以和之反其不仁 禮樂 1.15 不義利欲之情也人惟有血氣利欲以亂 索續集卷二十五 華書考索續集 宋 章如愚 編

節目别有司存大而原本以俟君子 諸史所志類皆器數之末所謂本者容或知之猶未詳 管紋者禮樂之文也典談二禮所紀本與文並行歷代 誠之至也於以敬親尊君友于閨門悌于鄉黨百慮無 也今也考論語志始末亦止及乎文之大略而已細而 邪無體之禮也歡心各得無聲之樂也然無本不立無 不義之習而復之仁義之真於以承天順地報本反始 不行遵情性復仁義者禮樂之本也玉帛牲幣鐘鼓

金为口用人自

|色旗幟之尚而夏時終不可易也殷輅大輅也周謂之 **屠樂則韶舞夫韶舞形容紹亮之意也周謂之大韶漢** 天子志四代禮樂孔子曰行夏之時乘殷之輅服周之 というらいき 漢謂之乘與歴代乘之以備朝祭之儀周冕十有二旒 自武帝用寅正歴代相承雖取五行更王之義以為服 天下之異各作樂以取其功而韶舞大意至今猶存漢 謂之文始唐謂之九功宋朝謂之元徳升聞雖歴代取 王輅注 秦謂之金根改為金根見東漢與服志云王輅見書秦謂之金根殷有山車之瑞故車名桑根秦 **奉高考索續集**

之外所謂大衆尾無旅以與其諸餘尾自泰漢廢之而 當時借禮樂者之戒且為萬世不可易之制也然家見 金少四是人 所奪也然則歴代猶存韶舞夏時殷輅周冕之大意者 増之而益侈漢儒正朔之辨未必祖夏時唐樂舞倍? 服之以為朝祭之服夫子舉四代禮樂以告顏淵既為 前後逐延繼十有二就王笄朱紘衮衣十有二章歴代 俯之数未必似舜韶夫子亦不保其往者後世為侈心 不用大輅之外所謂大駕鹵簿屬車八十一乘自泰漢 卷二十五

大巴马车 三 志於尊君抑臣而已漢因泰舊叔派之禮藏於理官法 微六經方作輒燔於秦秦之所謂禮樂集六國以為侈 不能言其義夫如是安得有本書哉太史公作禮書畧 家又後不傳制氏實氏之樂有司止能紀鏗鏘鼓舞而 自春秋以來諸侯越禮而去其籍大夫偕樂而歌雅以 伯大司樂之所職掌見於書禮之所述者即禮樂志也 史記集經子為禮樂書虞周之時夷夔之所分典大宗 何欺大道所在雖萬世猶一日也 牵古考索騎車

樂記樂記出於魯淹中 必當時盡施用此禮此樂也史通識切諸史志頻頻 樂書畧序高祖武帝所自為歌詩而乃足之以六經之 見其以是飲辞見下諸志姑 因草初無大異特作史者姑掇拾以備諸志之一 禮六樂之舊文與夫與服音律之舊式送參旁究時有 于宋朝正史皆有禮樂志次第相承前後相襲止叙五 述秦漢與建元因草之緊而乃足之以經子之禮論 自班馬而降東漢六朝隋唐迄 耳木

金灯口儿

樂教肖子周以大司樂治學政凡直寬剛節祇庸孝友 且謂威儀雖美而禮樂未具由庠序未設之故夫固與 也嘉歎光武首立明堂辟雅顯宗躬行宗祀養老之事 禮樂教化必曰立太學以教於國設犀序以化於邑又 欠日軍を告 日 舒向論禮樂之原皆歸之庠序之教何也益舜命夔典 志禮樂之始也歷序武帝成帝不克用二子之原而終 班志以庠序為禮樂之原董仲舒劉向漢大儒也其論 日與辟雜設岸序隆雅頌之聲盛揖遜之容而已班固 聲為考度領集 **W**

秦减先代之教而漢人置博士弟子負所致功令後以 子夏見紛華聞夫子之道二者心戰不能自决而况庸 之至于老死践而行之不厭不倦者皆學校之功也夫 之儀上自朝廷下及黨遂皆有學以教之於是童而習 人安得不為士君子之行而禮樂達于天下矣周衰禮 **廢樂缺循法守正者見侮於世奢溢 偕差者謂之顯榮** 下漸漬於失教被服以成俗乎此太史公所以發歎也

金グビルクラ

之德歌詠聲音諷誦言語之節與夫干戈羽篇射鄉享

卷二十五

舉之界宋朝因唐制以取士自京師至州邑皆有學而 とこの日本は 為禮樂教化之原難矣 禮樂之壞反自學校始由所習者皆場屋之文也禮義 雖美而禮樂猶未具也東都太學諸生选相標致激成 之地既為利禄所移禮闈貢舉又為刑名所禁欲以是 黨錮之患唐制由學舍之選者謂之生徒者未免乎科 教之科與虞周異矣此班固所以歎建武永平之威儀 利禄之路誘之詳見藝文雖曰設太學致辟雍所養所 學者考索續集

國之輔助也歐公之志謂治出於一 事物名數皆有司之事 播紳大夫莫能晓習而天下之 動作衣服飲食之間朝夕從事乎禮樂所以遷善遠罪 歐陽志論禮樂與刑政為二禮樂為國之根本刑政為 而成俗也治出於二則所 急者簿書獻訟兵食而已故 元之所紀者與夫元和新儀曲臺新禮者於以見具其 (終身未當見也况欲識禮樂而被其化乎嗚呼歐陽 謂知禮樂之本矣然猶歷述隋唐之所承變貞觀開 則朝廷里問居處

多好四人

卷二十五

大足四年 人馬 禮書鍾律六經之道同歸而禮樂之用為急遭秦城學 禮樂以成教化禮樂所以成教化而兵制輔之當唐虞 勝於藏之理官與律令同科數 備載猶未免效諸史之尤者豈以存諸一代之正史猶 一時禮樂之官析為二兵刑之官合為一詳略可見 一樂先壞漢晋以來諸儒補緝竟無全書其頗存者三 而已周官 一書固為禮之綱領至其儀法度數則儀 存古考索續集

文而意不存也故凡有唐五禮之次第六樂之名織悉

獨存禮記之科棄經任傅遺本宗末其失已甚而博士 律日短長聲音清濁學士大夫莫有知其說者而不知 議率用耳學臆斷而已若乃樂之為教則又絕無師授 法度數之實而立文者則咸幽实而莫知其源一 諸生又不過誦其虚文以供應舉至於其問亦有因儀 習而知其說照寧以來王安石變亂舊制發罷儀禮而 此猶有三禮通禮學究諸科禮雖不行而士猶得以誦 禮乃其本經而禮記郊特牲冠儀等篇乃其義說耳前 有大

巴尼

大足四年 八片 禮總序諸史禮志多按虞書五禮以吉凶軍寅嘉為 列注疏諸儒之說略有端緒而未就而鍾律之制 六藝之闕與起廢隆重之永久使士知實學異時 其為闕也項當考訂其說欲以儀禮為經而取禮記 朝制作之助文 間亦有得其遺意者切欲更加參考別為一書以 經史詩書所載有及於禮者皆以附於本經之 禮 奉書考索衛集

歷代禮四代各垂法而禮獨不著於象魏四官各有司 禮圖其詳已見藝文志抄禮類所謂細而節目者也 居必先管乎寢廟下而四士莫不皆然而况於天子 第然伯夷所典三禮即天地人是也蓋有天地而後有 黨縣以三禮為宗所謂五禮皆在其中矣若夫歷代 尊王公之贵宁今所編次自郊廟始而後及於朝廷鄉 有司存不復按圖而為之辨 (有祖考而後有身故人之心必先敬乎神祇而身之

禮之典五禮五庸在唐虞尚矣夏商以來文獻不足至 通定漢儀沿襲秦典不能致魯兩生固不足恨竊怪通 之防至纖悉也故魯用周禮識者謂以其為未可動情 之為用大矣哉彌綸天地經緯陰陽藏之人心者之天 而禮獨名以宗伯六官各有職而其書獨謂之周禮 **未能周禮詩人謂以固其國夫何後世不知此哉叔孫** 于成局經制大備禮儀三百威儀三千事為之制曲為 くころう 下不可以一官名不可以一事著盡無一而非禮也三 華書考索續集

徒為之嘆息馬耳在漢則然則夫黃初之裁定朝儀 拘曲彼将視禮為何物而賈誼仲舒王吉劉向之徒亦 定反雜讖緯之言習儀禮者徒善為容談曲禮者指為 禮為界彼所職何事而顧為此即大抵漢人輕禮重刑 所制禮書几十二篇所制刑書凡十八篇於刑為詳 有所觀望而為之也后蒼所記徒顯學校之闕曹褒所 定律以丞相而主禮則以奉 常刑書藏之理官而禮書 亦録於理官其輕重之心於此可見通之為此也意其

多只四月全書

くいうほどう 為同異而已當觀唐有孫昌嗣者發憤行冠禮薦笏外 由臺新禮然求之野者不知何人而聚訟之議亦徒自 為之也于後有顯慶禮有開元禮有郊祀録禮問新儀 觀禮書凡一百三十八篇要之皆玄齡所定未免率意 讀而約之以禮有魏徴存馬而房杜諸人以河汾一流 **派禮樂之問汗浹無對使一代之典遂為闕文雖曰貞** 足論也唐之太宗陇慕古典問禮之書奉券於己夜之 始之削除垂謬源之裁成大典隋之著為五禮亦有不 奉書考索續集

篇作於王峰太常新禮慶歷禮儀作於賈昌朝宜詳而 矣而祥道禮書思參用馬開寶通禮既上於劉温叟矣 張馬宋朝宗工鉅儒講明禮學三禮圖已進於聶崇義 而處多遜之義亦兼取馬分門禮選作於邢禺禮問新 馬鳴乎一冠禮也而唐人不能知何有於三千三百之 庭而為电笏却立者所笑天下不以非鄭尹而快孫子 則歐陽等於榜歷代因草可也宜各而畧則沈枯等 |明堂拾享禮可也雖然此特其文耳文不足以盡

多反匹丹全書

卷二十五

化二可見 公号 地分合之其宗廟立而疑於昭移送毀之說太學雜奉 世人情為之節文而古先聖王之制非所以施之於後 漢禮叔孫通為漢制禮雜以秦儀其說以為禮者因時 禮請觀之所施馬郊祀廢典也行於建隆籍田曠儀也行 去成周成法茲可見矣記曰待人而行豈虚言哉 條彈其大儀婚姻有禮以五禮存其名數掃漢唐舊儀 於端拱明堂亦布世之學行於皇祐朝會有禮以干 使漢家之禮法度不立品式無章郊祀建而感於天 牵者考索續集

論經制於孝文王吉明王制於宣帝此時而不為是終 莫不遵依其教何古人之禮可行於一 風而為禮遜之教議定嫁娶丧係儀品界依古禮百姓 時指之宜不得不然耶韓延壽守顏川一旦變告計之 禮豈能有美教民定民志哉且漢以古今之俗不同而 為漢禮儀者又與律令同録而藏於理官非復視以為 常之制明堂遵玉带之圖上下相承風俗侈靡其所著 下數高祖草創之初未遑他務然猶有可該者賈生 郡而不可行於

金ガド人ろ言

参二十五

たとり見らり 郊祀分合不同分祭合祭先華辨之 叔孫通漢儀告以此制多不合經今宜依禮條正後乃 雜以五經識記撰以天子 脍人制 度凡百五十篇不數 月而奏之夫以百五十篇之多斷以一人之見成於數月 不可以反三代之禮也其後曹褒議定漢禮章帝授以 有能博議而復之今日可乎其卒不可行於後世平 而不然於古矣今去古浸遂而古禮之存於世者無樂 "間而雜以識記之言益不待見其書固已知其紛駁 學書考索衛集 /詳矣葢合於本之

数息而况於六年分祭其為疏怠抑又甚矣是知分祭 生而祀地皆一 固當如禮當如古者一歲再舉詳於正祀客於虚文 宗末年徽宗初年皆祀天而下及祀地豈合祭當天地 心而分祭不合於禮乎益古者一陽生而祀天一 惟真宗中年分祭于太山雕 為數也後世誠質不足而虚文有餘三歳合於既為 歲而再蔵事務誠尚質事從簡易不歐 英宗合於天地于 于國丘神宗哲

金灯口屋

元禮宋朝因之一

一祖三宗人

宗祖

宜耳詳問 祖太宗皆三年一 至武帝遂為定制大駕鹵簿皆用泰儀文勝質矣宋太 郊於疏數不同大舜歲周方岳所至柴望問以冬夏至 也不然三年一 年而後郊以星變也 日分於天地質勝文也漢高以常三年 うし 之間日蝕者正 という 一郊必欲如後世之侈費不如合於乃其 郊惟太宗雅熙之元至淳化之四 鍋將 至書考宗給集 鎬口當於日食猶廢於繭南郊而彗星見宰相以問 一郊見前洪

皆非也熙豐大臣爲得逃其青宣仁用慶歷故事 講是究神宗将郊而河决王安石以為大祀不可廢於 慶歷諸臣之力也英宗五年止於一 暫廢皆王丁諸臣以偽而亂常也仁宗四十二年非郊 |帝之義遇火變則恭謝於內殿亦合春秋不郊之意 明堂部二皆以 八書降東封西祀 ·年祭天園丘而地私不與宗祀明堂而餘祀悉罷 三年一舉兼 而後恭謝天地園丘合祭之禮遂 取郊以配天明堂以祀 郊其間惟濮議是

金贝四周全書

をニナ五

欠己り車会野 明堂以配上帝此禮之常也移郊為明堂天地合於祖 祭哲宗用元豊故事則分祭其是否不齊可知矣 徽宗 移郊為明堂配享不同郊祀后稷以配天宗祀文王於 天地常祀亦從而變更矣人主之職不於此而致謹 -始也疏終也數王蔡之罪也是知人主職論一相必 位十二年始合祀地祇於是國丘方澤明堂頻年蔵 其人三才安常百度俱正尚非其人不徒人事不經 1 學出為原衛集 ţ

金ケビルノニー 堂嘉祐七年後以是月大享仁宗可謂適禮之變矣神 諸神從祀悉如園丘之儀遂以是年九月辛亥大享明 |成親郊之期今移郊為明堂宜合於昊天皇地祇奉太 並用鄭康成王肅義說兼祭昊天上帝已為變禮祖宗 宗並配此禮之變也仁宗皇祐二年之詔曰明堂前代 宗凡再享明堂初享尤循皇祐舊典惟末年大享用新 祖太宗真宗並配而五帝神州亦親享獻其日月河海 三歲一郊即遍於天地而百神靡不從祀明堂正當三 卷二十五

祀 定四軍全書 宗聖宜立 並祭 上帝祖功宗德皆不以配而止於親禰其可予 万車全書 下時祀上帝以上祖太祖董配上山廟高曾祖太祖董配上 上以英宗配上帝而餘祀悉能仁達乎禮之常曾不 ,郊為明堂三歲一蔵事天地百神皆不及祀而 班正朔制度宏博順文展舉一歲再敢濫恩頻行 轨確 不勝其弊而請康之變作皆由常變兩失之也 政也易至崇觀間冬祀國丘夏祭方澤歲享明章子則至崇觀間冬祀國丘夏祭方澤歲享明 太皇真考祖于宗也 太朝初郊 漢祖並配 古家尊崇 太配太 宗祥宗 配中則祖太

非掃地之舊而後國丘方澤皆有常度未為修也其修 為繁縟祇所以為瀆也自漢泰時有柴壇八觚其制雖 **秸跪尚陶匏聖人之意若曰天地大德備天下之物無** 足以稱之必尚質素乃足以示報本之意云耳不然過 大不度則在乎千乘萬騎繁文縟典而已惟明堂之 後殿廟也似部上祖神 立明堂制度不同於郊故謂之郊 一餘見後太廟二議然行祖永祀不祧又 語人一祖永祀不祧又 記人也神宗元豊中 記 說之自 字 力與祖至于哲宗子明堂止以英宗 掃地而於席用 至于哲宗建 酊

漢武帝汶上之國出於方士唐武后神宫之號原於佞 次足四年 ときす 明堂太室及左右个又與月令四時之次相同或曰在 則曰太室取其四門立學則曰太學取其四面周水則 氣則曰靈臺又按祭邕論曰明堂即清廟也取其宗祀 於此頒教則曰明堂大合樂享射則曰辟雍司歷紀候 臣其侈大異乎園丘方澤之為矣按薛綜注東京賦曰 也四面有應庫雉門則是天子之常居也其青陽總章 口辟雍其實一也又按唐顏師古議曰周明堂即路寝 在言考索續集 İ

神宫萬泉猶無益也 矣此皆祭京髮亂宋朝之家法也夫明堂所以感通神 之說而參諸宋朝之制仁宗即以大慶殿為明堂誠合 國之陽或曰在國近郊始於孝經之傳大戴之說漢武 金グリカノニ 年韶建明堂於丙已地至七年而始成其為侈大可知 古意以之祀天領政皆可也何必他求哉徽宗政和五 有懷剏造溺方士之秘 記啓後人之侈心也愚因三者 帝堯土階文王茅屋斯亦足矣如其不然汶圖三層 卷二十五

禮真宗行幸肆祀所至皆然夫既移郊為明堂明堂又 郊 而其所以同者曰齊戒曰陳設曰省牲 龍 くだけるという 五, 前驅清道 使 郊始用紡衣兩簿鑾輅行至闕 ā, 史中丞 其中 龍宫 明堂儀數不同宋朝 則郊與明堂儀數有不同者特有內外之間 箭直 外設仗衛如殿 謂之禁圍 **儀禮** 仗使 四都能 使知開之學士禮 闹 奉書考索衛見 肾杂直五 古 循 儀使 卦 中儀至於南郊亦循唐制 有罪 府尹格道轉通使 太常鄉自簿使 制禁衛五重! 御 門則行勘箭勘契之 車駕行幸肆祀 貂 口真玉吊 舰 御 從 命 耳 袓 則

前是日臨幸大風晦冥池水畫波竟不能移跬步逐不 舊軽紹聖問金明池龍舟亦舍舊而别制工麗有加 此元豐間太常王輅舍其舊而新之工巧殊常珠質極 備元旦將陳於大慶殿忽幕屋墜水而碎之於是後乘 是也熙寧中以勘箭為胡法而去之崇觀微行質兆於 進饋食也祀畢則百官之賞典六軍之賜套亦無不同 而勘箭勘契示出入战謹之意云耳移郊為明堂非為)然則郊與明堂其大費既同則禁衛乃內外之常儀

金为四人人

表二十

是泥金檢玉秘記莫宣與郊祀明堂之意異矣宋太宗 くてコラシシラ 矣於秦漢子何九蓋古者封禪猶郊祀明堂示不忘本 復御乃知變更制度至于舟與極矣天之亦仁爱之戒 也自秦皇肆祀求仙而漢武慕黄帝祭封不死之説於 用九月上辛大享明堂悉 為我宋朝郊悉用冬至惟太祖末年幸西京而郊用夏 亦昭昭矣大禮必簡能循祖宗之蒨斯亦足矣何必更 封禪郊丘明堂之意不同封禪之君七十二君行之久 摩書考索騎張 ナベ

]贯通也春皇漢武不自知其身之尊猶天極然而登封 侯此人之所以與天地鼎立為三才者形體精氣質相 夷之暴安吾民之生仁之發也與秦漢侈心不可同年 **於天下有庶民則上有繁星上有五星列宿則下有賢** 而語也夫日月星辰陰陽五行之精英體著於地象成 降禪外求神仙不老之術是豈知麗乎形數者天地猶 人君子帝王之尊配徳天極王侯輔弼亦應三公五諸

金は四月有書

将有事泰山遇災而止敬之至也真宗封禪志在沮狼

|時之氣言之也曰青帝赤帝黃帝白帝黑帝者以五方 |六天之說以昊天上帝為北辰耀魄實而五帝皆屬於 |之色言之也自緯書出於漢鄭氏遂以青帝為靈威仰 天地神祇位號不同經言蒼天昊天昊天上天者取四 夜祭也知乎此則居易以俟命即神仙也何必外求哉 赤帝亦熛怒黄帝含樞紐白帝白招拒黑帝叶光紀又為 躬而實未皆終窮者其精英變化猶秋冬敛藏而春夏 というらいかう **格名考索约集**

有晦冥日月猶有盈昃而况於人乎人之形數雖有終

范陽之變起宋朝政和中上玉皇后土尊號開天執符 太微於是唐天寶中尊崇道教天帝皆有位號未幾而 金分四人人 乃知天地之大徳本不可名而况以尊號瀆之乎雖然 也祀典之不可廢者毋不舉也祭固不可以数而煩亦 舜類于上帝裡于六宗望于山川遍于牵神者毋不敬 泰时南北郊議論不同漢武祀天於甘泉祀地於汾 改法厚他光天 后土皇地私 未然而靖康之變作思含真體道玉皇上帝地口承未然而靖康之變作 可以疏而怠也

火ビの手という 聖人不輕級亦不輕改者有其舉之不可廢也所可 在初無彼此之間敬心存馬不以侈沒禮皆可也古者 儒者而所言之異如此果 孰是孰非也益神明無往 宗與賢臣所共定至尊至重難以疑說正也夫衡向旨 管也又言陳寶夜光直祠之祥自春至漢與不廢皆祖 是然泰時罷祀大風壞竹宫拔時中大木以百數帝以 問劉向向言甘泉汾陰及雍五時始立皆有感應非的 學書考索翰集

人皆以為非成帝從匡衡之議而後南北郊人皆以為

舜既類上帝則六宗其可以不經於乎如昔者國丘之 之宗辰次列宿之宗北斗辰次之宗北辰泉星之宗 六宗解釋不同六宗者日為陽宗月為陰宗五星五行 不必過為異論 八上帝六宗皆天也故又謂之天宗山川羣神皆即 曰地祗歸格于藝祖用特告祖廟也是天神地 既列上帝之位則日月星辰斗極之次各得其節

金りいんろう

者如後世所謂淫祠也如其至尊至重當如劉向之言

卷二十

处止只車人上等 ▼ 考考索特集 干 · 干 · 电志注 或主三昭三穆之說以去而告廟歸而格 是主乾坤六子之就是八方亦遺其二也達略成見東 等祀是也不知社稷之外以何祀足之而為六乎又望 中取其六而言之非也昭於是取地數六之說以社稷 雩宗祭水早章昭以為除 其天地於上遺其四方於下 于山川得非地乎遍於羣神社稷豈不與乎顏師古於 泰昭祭時坎壇祭寒暑王宫祭日夜明祭月幽宗祭星 鬼皆可得而禮也然六宗之說數十家或主係法以為

金与工人 故後世儒者不復列北辰為衆星之宗也夫子曰為政 北斗五星列宿十二辰也自鄭康成釋經見書注又 帝刻者各因其方合而言之曰星辰分而言之曰北辰 告也然則漢唐諸儒不知其幾人而六宗之說不及日 以德譬如北辰居其所而衆星拱之愚敢以聖言為證 也曽不知去而告然後類于上帝可也不應先類而後 月星辰斗極何也葢古者合而言之曰天分而言之曰 |極太乙紫微為昊天上帝而又以五帝為太乙之佐 卷二十五

とこり自とみず 帝太乙之佐也公孫御符以黄帝登仙之事遂立太 柯司命文目第四星祭法七犯九天巫祠九天釣天養 (靈星又以梁巫祠天地晉巫祠五帝泰巫祠社荆)九宫贵神泰郊四畤禮八神 吴天朱 以六宗為六天之 赤明者是也旁三星三公也武帝時或曰五即第二星也多三星三公也武帝時或曰五 戊六天 之說此 人辰天 ,夫司命靈星蚩尤皆天星也皆有祠 極之尊乎漢天文志天極星其一 奉書考索結集 八山漢初祠黑帝 Ŧ EJ:]

銀好以人名言 帝聖祖之像存馬故祖宗神御皆奉安於此也此雖出 也又曰其星天蓬天任天芮天 星也又其神曰攝提曰軒轅曰招摇曰天符曰青龍 言而立九官祠者按黄帝九官經其神太乙即天極 於方士而天極一 朝謂之太乙宫然皆與原廟群者唐祖玄元宋朝祖黃 (池曰太陰曰天己多此斗左右前後之星所謂貴神 塩即甘泉泰時也 星昭昭也唐天實中又用田同秀 以上見前 八街天輔天禽天心天 唐謂之太清紫極官宋

人と日本全等 受命實建太乙而王清昭應官災文德殿成而是夜 星不可誣也如司命司中之類歴代以為常祀尊而敬 以文明殿災而止於是終太宗之世無所作為仁宗作 唐志所以非之者以其名不經且近乎瀆非所以尊夭 之可也神而瀆之不可也鄭康成以北辰為耀魄實新 天下宫觀祠祀宋太宗作崇政殿祠太乙宫將封泰山 天英者今術家類能言之與天文志雖有與同凡曰天 奉告考京绮集

院悉為官觀皆起於豐亨豫大之該善乎李公流之為 相日奏四方災異益處宫室禱祠之事與也不然則木 於天書之瑞徽宗建帝鳥實録萬壽宮改大覺真仙寺 金りにん 忘做戒之意子 必有内憂又非止宫室禱祠之事而已人主其可頃 征降而致靈州之敗起方臘橋而致女真之師童 玉清鴻慶景福宫建天慶元符會靈太極祥源觀皆起 火於是四十二年惟災異之間而無大工役真宗作 卷二十五 贯外寧

侯也王社在籍田中載芟云春籍田而祈社稷是也 被四方也太社帝社也籍田王社也以王為言别於諸 久とり事と言 其方之色惟中央用黃而後遍胃以黃土者象王者覆 其半以根在土中本末均也至人間之社則各以其土 用石壇方五丈諸侯半之土數五則土宜五尺准除之 太社太稷天子有太社祀用仲春上戊戊屬土也社至 之所宜木所謂以松以柏以栗也社壇四方其土各隨 數宜方二尺方其下以象地體則其上以象物生理 奉書考索續集

Ī

太牢然則社稷分合其義孰當愚謂土爰稼穑其本 與不立官程唐以來社稷為中祀天實升為上祀 禹配官社平水土也以后 稷配官稷粒然民也光武中 於是准令用孟春吉亥祠后土以勾龍配至開元定禮 官社未立官稷於是後立官稷所謂立漢社稷也以夏 於太社也此唐神龍中韋叔夏引韓詩外傳言此制也 配神農於壇而以后稷配又按漢書郊祀志漢與己有

壇在太社壇之西其廣與大社同而不備方色所以異

卷二十五

金りり

同意 籍田先農宋朝太宗親耕帝籍仁宗礼神農于壇乃就 皆可也祭主乎誠而已誠苟不至分祭何益宋太祖糊 くこうらくふう 右西向讀之皇帝罍洗並如園丘之儀仍奉危跪真可 名考太社祝文文稱宋天子某太祝持板進於神座之 也社為九土之導稷為五穀之長稷生於土分於合於 杜曰太社王自為立社曰王社然而人間之社則合稷而為一誠矣至矣格問河決侵太社太誠矣至矣唐故事見會要宋副 拳击考索衛集 一社與章叔夏之言異之一人 群發接足則太社太四十人教 題是則太社太四八朝事見類於至仁宗 Ē

中祀天子皆申拜禮思舊儀注立秋後長日 遂設壇並祭角九七宿又升日月五星為大祀列宿為 壽星為列宿之長請每至八月社日祀壽星於太社壇 實則又勝於開元之虚文能如東漢馬后之躬儉練衣 祀先農先蠶不失為重本之意能如漢文帝有减租之 金分巴人名意 耕位則知籍田之中有王社明矣祀先農於王社則用 日親耕也唐開元中上封事者言月令八月日月會干 一月吉亥者上辛祈穀于上帝亥後於辛三日即於是 卷二十五 夫耕籍田

たというという 用辰土庫在辰故也五祀者产竈中雷門行也春屬木 **水為肝月令則曰祭先脾夏屬火火為心月令則曰祭** 乃用上戊者何也益蜡百神祀社稷享宗廟者乃十二 臘蛤五祀宋朝火德王火庫在戊故建隆初即以戊日 則親蠶之義在其中矣 |肺中央土土為||脾月令則曰於先心秋屬金金為肺 ,臘享也與春秋二社正祀不同唐以土德王故臘享 臘而蜡百神祀社殺享宗廟同用戊日令春秋二社 奉馬考察續員

超仍令諸郡置風伯擅於社壇之東雨師壇於社壇之 載升為中祀五載义祀雷師與雨師同壇共牲別置於 金分に人と言 風伯雨師雷師唐天寶以前風伯雨師為小祀天寶四 屬皆相違何也 月今則曰於先肝惟冬屬水祭先腎之言相同其他所 **母母近箕星次也祀雨師用立夏後申申近野星次** 西各稍北三數十步其壇甲小於社祀風伯用立春後 拜禮别撰樂章今州縣祀典亦然益因唐制也

久に可事と書 中裝堪奏禮記云非其臣則答拜鄭康成注云不臣 武德親祠華岳舊儀上祝版御名北面再拜謹遣證聖 皆神物也今所在皆然 其五岳視三公四演視諸侯天子無拜公侯之禮貞元 間有司言天子父天母地兄日姊月於禮有再拜之儀 又開元中有與慶池龍壇貞元中祭五龍壇元和中孟 嶽濱山川武王代紂所過名山大川稱周王而自名唐 及行雪禮遂幸與慶宮祠龍壇隨有感應益能致雷雨 禁書考察衛集 Ĭ

王及諸岳清王公之號宋朝後加天齊王為帝是五帝 有遣使祈福之祀至德中加號東岳天齊王四岳金天 拜之文遂後申拜禮然舊禮因郊祀望祭岳瀆天實始 故開元禮祭岳瀆禮文皇帝稱名又云謹遣於義有必 之臣也星辰岳瀆是天地之從 官人君不得而臣之也 天地人皆有义矣 太廟親耕帝籍初置諸官觀乃特書如每歲正月上至 毋成常祀九朝事畧帝紀所載惟郊丘明堂封禪親享 王中岳中

金グロルとうで

卷二十五

次に日本という 擇日遂為故典又按東漢禮儀志注正月上辛祀南郊 常卿齊抗奏每年大小中祀凡七十其四立二分二至 一行之非天子親舉大禮也考之唐會要亦然負元中太 日或用辰不可改移宜依舊制其有別禱祭即是太卜 後丑等日益謂星次也氣行有時星位有次含或定用 臘於其用上辛吉玄者益謂節氣也其後寅後申後玄 方凝瀆海鎮之類四時凡七十二紀並不書者皆有司 **犀馬考索衛集**

一行穀于國丘又祀感生帝立春日祀青帝於東郊祭東

おうせんとう 也皆可接事昊天之日然則古今所用以祀神之日皆 小親者皆畧焉 據也今所論者皆 引尚書丁巳用牡于郊先甲 **張卷二十五** 代體大事重者也如其備文而 三日主 也後甲 三日

欽定四庫全書奉書考索續集卷二次至

詳校官中書臣實汝翼 主事臣 祁韻士覆勘

級校官知 腾绿监 對官中書臣徐步雲 縣臣楊懋珩 生臣官懋弼

校

欠己可見合 辛匹方將有事在 奉告考索衛集 祭天地于國丘開實元 壬中親享太廟以四月 月将有事南郊以 章如愚 編

金分四人 曰祭告至有事南郊方為正祠天實間乃更太清宫曰 按禮曰魯人將有事于上帝必先有事於泮宮泮官先 宗以來郊廟時紀命官攝事惟三成一親郊則享清廟 **庚子合祭天地于西京之園丘哲宗元祐七年詔曰祖** 而後郊冊祝之文曰奏告乎曰朝享乎當從禮官問之 事於某所不敢不告惟宫廟謂之奏告餘百神造便於 点廟 廟也又按唐制奏告太廟之册祝曰取某月某日有 女元 太廟曰朝享非也而太祖太宗皆先享太廟 を二十六 1. 1. 1. 1. 1.

A

始為太祖為始祖不合于禮宜以神堯為始祖其言極始為太祖舊志載称幹十結十難以歸崇敬職尊景皇 武王與親廟四也殷六廟契為大祖湯與二昭二移 ただりしてい 祖故漢世止於七廟唐有始封之祖故唐公景皇帝為 夏五廟禹及二昭二穆也漢無始封之祖高祖即為太 太廟原廟司為當然於確宋朝 太祖至玄宗時建為九廟其後景皇帝之廟既祧神堯 當宋初與信祖文安令為太祖至于 , 昭三穆與太祖之廟而七也周七廟稷為太祖文 前郊明 摩書考察衛集 堂配 字就王制曰天子 Ξ

當冬來與脫享而五也無事則親享有事則命官攝事 田省 矣中與以來九廟之外既有已礼者惟禘給則合食于 自翼祖而下至于哲宗也以七廟論之則太祖為太祖 也惟太廟親享在太祖朝再舉而太宗以來南郊之歲 始先享太廟而後郊至禘祫之禮乃獨罕見夫宗廟之 太廟時享則分祭于原廟是監官所謂原廟孟享四五大廟時享則分祭于原廟是監官所謂原廟孟享則 之主為以仲月也見元魏志各於其室春祠夏榆秋按禮有邑之君祭用首時無各於其室春祠夏榆秋 歲五享 朔望薦新薦食之外三年一拾五年

金为山人人

次定四事合書 斯言得之矣元魏志孝文不以 皆序昭移而合食即所謂三年 止曰親享而不言禘祫新舊唐志與宋朝史志雖存 祖而世近毀廟之主皆在太祖 明漢魏以來其與也暴义其上世微故創國之君為太 殷周之與太祖世遠而聲廟之主皆出其後故其理易 給祭于太廟是何時享之數而稀給之疏也唐新志云 **閏五年再閏也考之九朝帝紀惟仁宗嘉祐四年** 學書考索特集 上於是稀給不得如古 殷五年再殷猶三年 禮為當唐自太宗文為太祖唐自太宗

之言謂廟不言二主者執 **六室各列兩旁昭南向穆北向也帝與后有室室有主** 預州皆有原廟太祖太宗真宗之所臨幸也原廟天子所事行幸之處也宋朝 滁州并州 格之文而帝紀所書不曰稀 治亦以此數凡郡國亦 金グロ人とこ 未祔用桑既祔用果討有罪則載遷廟之主以行然問 廟室廟主祭跪祭食太廟東向面陽主生應建門左祖 家豐洛雨都各有廟廟各有主學者泥夫子尊無! ·義也惟太祖居太室中央正東面之位其三昭三穆 無權也部三人主之又 有漢

|歲而五字寢園一月而二薦享尚氣臭敬之至也薦用 今從本字何也曰昭之為言明也以其南面而向明 月於朔望也日於或為新當果而已非日於以為讀也 天實中用王璵之議太廟亦用寂園之禮非也故廟 不尚褻味至于寢園則朔望寫食各以牙盤備極諸品 というしている ,味情之盡也或引國語天子有日於有月於曾不知 廟的穆論的穆世次及 宗武曰昭穆之昭世讀為韶朝 酒柿 親享太廟則用牲牢邊豆鉶登存古禮而 奉出考索翰集

言晚也今且假設諸侯之廟以明之益周禮建國之神 位左宗廟則五廟皆當在公宫之東南矣其制則孫毓 字者則假借而通耳曰其為向明何也曰此不可以空 其讀為韶先儒以為晉避諱而改之 太祖之廟始封之君居之 北廟三世之君居之昭之 廟五世之君居之 外為都官太祖在北二 /朝皆南向各有門堂室寢而墙 昭二穆以次而南是也益 南朝四世之君居之穆之 北廟二世之君居之穆

金月四月子言

者取其深遠故謂之移益孝廟之列則左為昭而右為 之主逐於北廟北廟親盡則選其主于太廟之西央室 とこりをという 列於南牖下而北向南向者取其向明故謂之昭北向 而謂之桃儿廟主在本廟之室中皆東向及其給于太 四周馬太祖之廟百世不遷自餘四廟則六世之後每 廟之室中則唯太祖東向自如而為最尊之位奉昭之 易世而一逸其逸之也新主科于其班之南廟南廟 八乎此者皆列於北牖下而南向羣移之八乎此者皆 奉馬号索衛集

矣益二世礼則四世遷昭之北廟六世科昭之南廟矣 移拾祭之位則北為昭而南為穆也曰六世之後二 穆丹曰不然也昭常為昭穆常為穆禮家之說有明文 考成王稱武王為昭考則自其始科而已然而春 **祔則移者不遷移者祔則昭者不動此所以祔必以班** 三世視則五世邊穆之北廟七世祔穆之南廟矣昭者)主既桃則三世為昭四世為穆五世為昭而六世為 必以孫而子孫之列亦以為序若武王謂文王為穆 ŧ 1

金为四人人

始立也二世昭而三世穆四世昭而五世穆則固當以 速而猶不易也豈其交錯彼此若是之紛紛哉曰廟之 以管蔡郊霍為文之昭形晉應韓為武之移則雖其既 五廟同為都官則昭常在左移常在右而外有以不失 六世昭是則右反為尊而左反為甲也而可乎曰不然 左為尊而右為甲矣今乃三世移而四世昭五世移而 こうこくしたう 也宗廟之制但以左右為昭穆而不以昭穆為尊単故 一世自為一廟則昭不見穆穆不見昭而內有以 年高考京橋集

毀廟之主則高祖有時而在穆其禮未有考馬意或如 傳曰壞廟之道易檐可也改塗可也該者以為將納新 此則高之上無昭而特設位於祖之西禰之下無楊而 各全其尊必大袷而會于一室然後序其尊单之次則 主示有所加耳非盡撤而悉去之也曰然則天子之廟 特設位於自之東也數曰然則毀廟云者何也曰春秋 凡巳毀未毀之主又堪陳而無所易唯四時之秴不陳 其制岩何曰唐之文祖虞之神宗商之七世三宗其詳

多好四月全書

を二十六

位置逐次宜亦與諸侯之廟無甚異者但如諸儒之說 武為宗不在數中者劉歆之說也雖其數之不同然其 四而七者諸儒之說謂三昭三穆與太祖之廟而七文 同矣謂后稷始封文武受命而王故三廟不毀與親廟 則武王初有天下之時后稷為太祖而組紺居昭之北 欠己四長人 今不可考獨尚制猶有可言然而漢儒之記又已有 廟王李居昭之南廟文王居穆之北廟稍五廟而己 廟太王居穆之北廟王李居昭之南廟文王居穆之北 奉書右索騎來

成王時則組紺桃王李遷而武王祔至康王時則成王 穆王時則文王親畫當礼而已有功當宗故别立一 七廟矣自是以後則穆之桃者藏於文世室昭之礼者 矣至共王時則武王親盡當礼而亦以有功當宗故別 於西北而謂之文世室於是成王遷昭王科而為六廟 稍自此以上亦皆止為五廟 而礼者藏于太祖之廟至 藏於武世室而不後 藏於太廟矣如劉歆之 一廟於東北謂之武世室於是康王遷穆王祔而為) 説則周旬 廟

金龙田太八四十

を二十六

為如此則是為子孫者得擇其先祖而於之也子亦皆 とこう日 ときず 孝古方宗衛集 功德有無之實天下後世自有公論若必以此為嫌則 考之乎曰商之三宗周之世室見於經典皆有明文而 愚亦意其或然也曰祖功宗德之說尚矣而程子獨以 然則諸儒與劉散之說孰為是目前代說者多是劉歆 至孝王時始立武世室於三昭之上此為少不同耳曰 武王克商即增立二廟於二昭二穆之上以祀自高圉 亞圉如前遞遷至于懿王而始立文世室於三穆之上

大夫也日廟之為數降殺以兩而其制不殺何也日降 世不逐之廟以此而推則知前就若非記者之誤則 程子晚年亦當論宋朝廟制亦謂太祖太宗皆當為百 金为四人百言 官師一廟則視大夫而殺其二 祖昭移之位猶諸侯也適士二廟則視大夫而殺其 士之制奈何曰大夫三廟則視諸侯而殺其二然其大 出於一時之言而未必其終身之定論也曰然則大夫 泰政之惡夫子議父臣議君而除諡法者不為過矣且 一然其門堂室寢之備猶 r_a 或

久に四年人を 事生事存之心者是以不得而降也曰然則後世公私 然後可名於官則其制有不得而殺耳葢由命士以上 也天子之山節藻稅後廟重屋諸侯固有所不得為者 始也夫漢之為禮答矣然其始也諸帝之廟皆自營之 父子皆與宮生也異宮而死不得異廟則有不得盡其 桷士又有不得為矣曷為而不降哉獨門堂室寢之合 矣諸侯之勲堊鄧磐大夫有不得為矣大夫之倉楹鄧 /廟皆為同堂與室而以西為上者何也曰由漢明帝 作的考索新集

各為一 室之制猶不能備獨天子之尊可以無所不致個乃抬 為抑損之私遺詔藏主於光烈皇后更衣别室而其臣 子不敢有加馬魏晉循之遂不能 草而先王宗廟之禮 失其獨專一廟之尊也至於明帝不知禮義之正而務 於漢明非禮之禮而不得以致其備物之孝益其别為 始盡廢矣降及近世諸侯無國大夫無邑則雖同堂異 室則深廣之度或不足以陳則姐而其合為一廟則 一處雖其都官之制昭移之位不復如古然猶不

官博士老師宿儒亦其有能知其原者幸而或有一 文と可科会号 之後故都淪沒權宜草創無後舊章則雖朝廷之上禮 禮亦為虚文矣宗廟之禮既為虚文而事生事存之心 制是其公襲之變不惟窮鄉賤士有不得聞而自南渡 有終不能以自己者於是原廟之儀不得不盛然亦至 而不尊是皆無以盡其事生事存之心而當世宗廟之 、宋朝而後都官別殿前門後寢始卷如古者宗廟? 學出考原衛集

所以尊其太祖者既襲而不嚴所以事其親廟者又厭

籍則未見其有紀馬若曰未及答表故不得書則後日 於陸佃之議而知神祖之皆有意於此矣然而考於史 其臣子之尚從則未有正其罪者於今之世則又徒知 識孝惠之飾非責叔孫通之舞禮而於孝明之亂命與 其感異端徇流俗之為陋而不知本其事生事存之心 有不得伸於宗廟者是以不能不自致於此也抑當觀 知經學古之人乃能私議而切歎之然於前世則徒 東史筆者即前日承詔討論之臣也所宜深探遺古

金グロムノニュ

欠に可能 一下 者桃主下藏於子派夾室之文告者信祖未遇則西夾 則古者唯有子孫祧主上藏於祖考夾室之法而無祖 雖多而揆以禮經皆有可疑如曰藏於太廟之西夾室 論信祖不當挑當為宋朝萬世之始祖切詳羣議其說 傳那寫乎惜哉或問 使斯人者復見二帝三王制作之盛故尼其事而嗇其 特書總叙以昭示來世而答無 禮 華問考索衛張 詞以及之宣天未欲

前孫後祖此又不可之二也如曰别立一廟以奉四祖 之一也至於拾享則又欲設幄於夾室之前而別祭馬 室者信祖之西夾室也故順翼二祖之主藏馬而無不 則既不可謂之合食而僖祖神坐正當太祖神坐之背 順之疑今既祧去僖祖而以太祖祭初室矣則夾室者 則不唯丧事即遠有毀無立而所立之廟必在偏位其 乃太祖之夾室自太祖之室視之如正殿之視朵殿也 孫坐於正殿而以朵殿居其祖考於禮安子此不可 とニナハ

金分四月百日

為此紛紛不復顧處殊不知其實無益於太祖之尊而 別廟亦不可謂之合食此又不可之三也如曰藏主于 特以其心急欲尊奉太祖三年 棟字儀物亦必不能如太廟之威是乃名為尊祖而實 人こりも一台 尋繹皆不可行議者亦皆知其不安而不知所以然者 合食亦與別廟無異此又不可之四也凡此數者反復 (與殿則宗廟原廟古今之禮不同不可相雜而不得 又當給之時羣廟之主拾于太廟四祖之主拾于 奉書考索結集 拾時暫東向之故

所謂有其舉之而其敢廢者乎且孔子論武王周公之 神宗皇帝後奉以為始祖已為得禮之正而合於人 忍而不敢當矣又况僖祖祧主遣於治平而不過數年 心而黙推之則知太祖今日在天之靈於此必有所不 為此也今毋論其他但以太祖皇帝當日追尊帝號之 徒使僖祖太祖兩廟威靈常若相與爭校强弱於冥冥)中并使四祖之神疑於受嬪傍復鄉竭不知所歸 傷痛不能自己不知朝廷方此多事之際亦何急而

多公匹居石量

卷二十六

齊圖受命化家為國而王紫之與不由傷祖耳若以此 位行太祖之禮奏太祖之樂矣則當愛太祖之所親敬 てこう 一旦 ハナラー 存之時子且議者之所以必為此說者無他但以太祖 未有一定之處是豈所謂愛敬其所親尊而事之如生 至孝而議者顧欲點其所追尊之祖考置之他所而又 太祖之所尊所以事太祖者無以異於生存之時乃為 孝而曰践其位行其禮奏其樂愛其所親敬其所尊事 死如事生事亡如事存孝之至也今天子既践太祖之 華書考東衛集

多好匹月全書 之制未能如古始以權宜而論之則其若以信祖擬周 宗有德之意故自為世室而百世不遷以冠聲廟則亦 其本始為出於此故不可以不於而於之不可以不尊 言則后稷本封於邰而不密已自寫於戎狄公劉太王 祖而祭法亦曰祖文王而宗武王是乃所謂祖有功 耳豈計其功德之小大無有哉況周人雖以后稷為太 不待東向於拾然後可以致崇極之意矣然今日宗廟 (再遷)而後定文武之與又何當盡由於后稷哉但推 卷二十六

とこり日でい 六室徽宗為昭祭第七室欽宗為穆祭第八室高宗為 世室真宗為穆其桃主亦且權藏於西夾室仁宗為昭 為昭而藏其礼主于西央室太祖為穆凝問之文王為 之后稷而於於太廟之初室順祖為昭異祖為楊宣祖 藏主如真宗之制神宗為昭祭第五室哲宗為楊祭第 為宗而係於第四室亦為世室如太宗之制英宗為穆 於太廟之第三室其太祖太宗又皆百世不邀而謂之 祖而祭於太廟之第二室太宗為昭擬周之武王而於 奉書考索騎集

為世室如太宗仁宗之制三歲裕享則傷祖東向如故 繆成一王之法使昭穆有序而裕享之禮行於室中則 為順矣至于古者宗廟之制今日雖未及議尚期與後 而自順祖以下至于孝宗皆合食馬則於心為安於禮 昭祭第九室孝宗為穆科第十室異時高宗亦當為宗 向者恩也義者天下臣子今日之願也恩者太祖皇帝 又善之大者也葢尊太祖以東向者義也奉僖祖以東 之後遷及舊都則述神宗之志而一新之以正千載之

金灯四月石雪

をニナハ

大巴马事 全等 阿 謹按禮家先偶之說兄弟傳國者以其當為君臣便同父 當日之心也與其伸義屈恩以快天下臣子之願熟者 年而一東向之為順易而無事也奏義 之宜而卒不免於好逆而難通不若還信祖於太廟二 情熹於此常有感馬切獨以為今欲議四祖神位所祔 孫以祖詘者正合此意而又以為四時各朵其廟則所 屈義伸恩以慰太祖皇帝之心乎韓愈所謂祖以孫尊 /祭常多三年然後一拾則所註之祭常少亦中 尽吉考索特集 1文公 **大**

宗為第三世尚在四昭四穆之中今日桃選只合依孝 宗初年遷翼祖例且遷宣祖然後為得乃不察此而欲 廟世數一準先儒之說固知未必可用若議者乃用今 于各為一世而天子七廟宗者不在數中此為禮之正 金男四人人 增為九世宗者又在數中皆禮之末失也故熹所擬太 法若今日見行廟制則兄弟相繼者共為一世而太廟 旦無故并遷僖宣二祖又强析太祖太宗各為一世 而及不曾詳考自信祖以至孝宗方及十世太祖太 r なニナ六

ころしてき 先甞以一僖祧之矣介甫議以為不當祧順以下祧可 訪得元祐大儒程順之說以為太祖而上有僖順强宣 析一為二之失亦合速行改正且遷宣祖而合太祖太 世進不及今之九退不成古之七尤為非謬無所據依 既與哲徽欽高之例不同又使太廟所祀其實僅及 宗後為一世以足九世之數支成〇熹既為此議續搜 政使喜說迂濶多所更改不可施行其議者并遷二 也何者宋朝推僖祖為始已上不可得而推也或難以 摩書考索橋集

多好四月 同固有不約而合者但以聚人不免自有争校强弱之 事則深服之以為高於世俗之儒足見理義人心之所 世俗之儒熹切詳順之議論素與王安石不同至論此 信祖無功業亦當私以是言之則英雄以得天下自己 心雖於祖考亦忘遜避故但見太祖功德之盛而信祖 功業故朝廷復立信祖廟為得禮介甫所見終是高於 力為之並不得與祖德或謂靈芝無根醴泉無源物宣 有無本而生者今日天下基本益出於此人安得為無

首尊四祖之廟而又以僖祖為四廟之首累聖尊崇問 韓維之徒皆是大賢人所敬信其議偶不出此而王安 敢失陸中間雖以世數突遠遷之夾室而未及數年議 順之說考之則可以見議論之公而百年不决之是非 安石所當取者而盡廢之所以無故生此紛紛令以程 石乃以變亂穿鑒得罪於公議故欲堅守二賢之 則民無得而稱馬遂欲尊太祖而早僖祖又見司馬光 欠己日本と写 可坐判矣止〇臣切見太祖皇帝受命之初未遑他事 奉書考京編集

為始祖而給享東向而僖祖初無功德親盡當桃而門 奏以為宋朝自僖祖以上世次不可得而知則信祖 臣深考其就而以人心之所安者揆之則傷祖者太祖 争之其說甚詳然其立意不過以為太祖受命立極當 詔從其請而司馬光韓維孫扩孫固等以為非是力奏 臣章衡復請尊奉以為太廟之始祖宰相王安石等逐 廟與稷契疑無以與今欲毀其廟之主替祖考之尊而 一科於子孫非所以順祖考之孝心也於是神宗皇帝 有

金与口人自言

Ţ

之高祖考也雖歷世久遠功德無傳然四世之後寫生 尊太祖之故而必使之奪據信祖初室東向之位臣恐 然後為盛也是以太祖皇帝首崇立之以為初廟當此 神猴應天順人以寧兆庶其為功徳葢不必身親為之 在天之靈於此有所不忍而不敢當也安石之為人 不察乎此但見太祖功徳之盛而不知因太祖當日崇 不若光等之賢而其論之正則有不可誣者世之論者)時益已歸德於彼而不敢以功業自居矣今乃欲以 こうりんき 奉書考索續集 雖

銀好四月石言 之所及而不知反之於已以即夫心之所安是以紛 立僖祖之心以原其所自但見光等之賢非安石章 多為異說臣當病其如此每恨無以正之因訪得元祐 /儒程順所論深以安石之言為當而所論并被一 敬宗報本及始之意上延基称下 議得失不同大器見前郊丘 一世之 /說尤為明白欲乞詳議以承太祖皇帝尊 注議禮之家有同聚 一民聽千

人と日本とは 禘拾無復序昭穆惟有藏於與聖廟禘給之歲一祭之 之議為當其就以為藏諸夾室是無獻享之期具乎周 至於廟議抑又甚馬已祧之主其適所歸惟唐人陸暬 郡國原廟宋朝元豐畫罷從祀也亦然崇寧間建九廟 易其說者此以議而得也漢用韋康之議盡罷毀廟及 展子亡於禮者得變之正也 與聖廟循周唐諸儒無有 明之說禮經實無明文塵於寢園乃漢章玄成之說是 (藏於文武二礼之義禮不可行也置於別廟始於魏 奉書考索續集

金グセカノニ 帝王夫子廟泰漢廢興仁暴不同九疑祀舜會稽祀禹 常亂理者愈多矣 過魯而祠孔子其所以為致敬者一也故五帝三王歴 代祀典不絕或尊為三恪或廟而祖之吾夫子之廟自 封禪議唐武氏自制明堂圖不從公議自遂侈心其悖 惟揆其情之安從其理之當者而已不然漢武帝自制 选出罷復不常此以議而失也然則廟議得失人主亦 而已祧者盡復又類西漢之末盡後致廟原廟也是非

皆知尊其道重其教正衣冠執豆邊屈膝展拜於其庭 攝事益不侔矣然武成王廟輒與文宣並稱此乃開元 漢迄今其間或以中國而主中國或以夷狄而污中國 已為過矣何容以文武二學之故而儕諸元聖之列卒 其道同也歷觀諸史志自郊廟親祠外惟帝王夫子廟 之失禮循而襲之非也彼得與有功於國者同在祀典 (師儒講詩禮掘衣揖遜於其堂此足以見祖述憲章 主所至與有時而臨幸皆親祠馬與其他常祠有司

欠已四軍全勢

學書考索精集

忠臣孝子廟聖王之制法施於民以死勤事以勞定 國史有傳血食有廟者一 能禦大笛能桿大患者皆在祀典忠臣孝子義婦烈女 六則太祖所立幸學之典累聖所遵釋奠之禮至今遍 奠儀注視開元禮為有加者皆宋真宗行之其列戟十 雖然追封孔子為王顏子等為公廟像及圖畫於鞮釋 于天下武成一廟不足以况之矣 月廟而祀之於以表倡風俗砥礪生民其有功於云 一念足以動天地方寸足以貫

多月四人人

卷二十六

雖時有加號未為常典唐高宗稱天皇中宗玄宗始有 為法者禮也愚敢以是為達禮之冠夫自漢以來時君 |寶此皆基於司馬温公一言而神祖終身行之至今以 朝禮書以是為嘉禮之冠其事重矣熙寧中羣臣有請 孝者為之信乎正道無往而不存也 SCHOOL STATE 至於三四上終不允且曰尊號正如卿等功臣何補名 **徽號人臣上人主尊號亦猶人主上天地尊號也然三** 下不細矣神仙之事若果有之則列仙傳所載亦惟忠 奉書考索衛集

7.5

金好四月百里 於神考之獨斷也又大臣志在變法而已使不允尊號 官制矣又當言役法宜均所謂 ·請祖宗已當行之則將求異於前人矣神考當悔改 夫熙豊大臣盡變祖宗法度獨於此無所論列者出 巡 則輕 臣 禮宋朝因之 僚 多為 甚矣昌 自陝 九上尊號皆因郊祀明堂封禪 者 均無貨也克世四年 之言神考多有美 盏 þ 免中下之 岩 盡之民役法立

置守尊君抑臣而朝會之儀與古不同漢初猶有侯王 次に四事と時 津之會不期而至者八百康王即位諸侯入應門左右 至武帝以酎金罷省所存無幾故自東都迄于唐元會 會同之分以五等之爵各有分地等差故也自秦罷侯 辨朝覲會同之名春秋嚴朝覲會同之名春秋嚴朝覲 宏璧斑琰天球河圖布列於東西序可謂盛矣故周禮 朝會大舜巡将羣后四朝禹會塗山玉帛萬國武王孟 奉告者來楊集

八書不一而足何止不允 嶽號一事平

唐開元受朝作樂有拜象舞馬之修適足為大盗之招 岩夫漢德陽殿元會西方舍利作霧為魚龍曼延之戲 故也惟宋齊梁以來有所謂白獸尊者猶存杜舉之意 所紀元會之儀甚設仗衛森嚴文物備具班列整齊太 自グロ人ところ 非有分地者内則不過在朝之臣外則不過刺史二千 之日執玉帛羔為者雖畧做古制其實公侯皆虚名而 石與諸州計吏四夷賓使而已今考之漢晉隋唐之志 公及新唐志皆言其鏘鏘濟齊有可觀者君尊臣早

六参九 参者 乎中與益知戒謹也 太官賜食太宗真宗遂為家法崇觀少 受朝賀服通天冠終約他登歌二舞奉臣禮飲五行或 同也益文德殿曰外朝儿不釐務朝臣日赴是謂常 朝常祭唐制文武職事官並赴常祭未有無職事 納省巫拱殿曰內朝军臣樞密以下要近職事於)禮必不然也宋太祖元會服家晃設官縣冬至 , 用類充載宋朝凡不釐務者謂之 奉書考索稿集

文修 武班日赴是謂常起居每五日文武朝官釐務不釐務 参官五日以次轉對 朝會並朝服常起居並公服天子坐朝莫先於正衙殿 **並赴內朝謂之百官大起居凡三等也文武陞朝官** 官猶立班後放朝乃退愚按事畧太祖建隆三年詔常 殿於禮奉臣無一 對封章於閣門通進則知五日大起居之 朝國史云三年 一為率 以二 一日不朝者故正衙雖不坐常 -詔内殿起居日令百官以 是則常於官未必盡無職

٤

金万口人人言

吹定四車全書 以侍讀侍講為兼官而以秩平資淺者為說書隆與改 朝而罷晚朝舊制經筵皆有實職祭確慮其有言也乃 整文武兩班以侍輦出或避正殿則喚仗入閣仍賜廊 下食熙寧中王珪等以為唐制不足取削去之益唐制 不種務者皆許轉對封章也 、閣晚朝自唐至宋朝天子御正殿則金吾仗黃麾伏 儀也親職官志舊規學士當直則越晚朝其後赴早 、閣諫官隨之熙寧大臣欲變法故不復行入閣 華昌考京衛集

與天子同則知孟子所謂朝衣朝冠者衮冕圭舄也漢 ほりに 有隆殺秦滅九國廢衮冕而俱元冠絳衣使臣下不得 元詔學士及經筵官內宿稍復祖宗故事宜矣詳見職 |所謂公服者今之 服公服三代而上天子諸侯家衣旒冕執主優為各 上ノニュ ·於祀大朝會則具朝服 古制則不足較之唐制則有餘者益自 人朱紫幞帶靴笏也改和 卷二十六 江左六朝畧存立 中始然今

中國禮義之所自出乃衣冠亦隨氣運代有變更何 文武陞朝官大朝會並朝服常朝常起居並公服士大 主得用硬带追夫宋朝與自毫都衣冠褒博始近古制 然者高祖太宗起自晉陽故也開元後雖稍發博而制 佩玉傷制故雖元魏亦未變服自北齊高氏中國常 難盡更故幞頭四帶二垂腦後二繁頭上令曲折惟 乃全用故窄袖短衣長靿靴蹀躞带唐武徳貞觀時猶 夫常服亦用帽带靖康之變服制變易又百年矣嗚呼 奉書考索給集 Ī

局口委貌爵弁皮并武弁隨所用之繼衣羔表素衣唇 臣下皆玄冠絳衣又以武靈王之惠文貂蝉赐侍臣 **裘黃衣孙裘楊裘襲裘皆三代之所常服也秦漢以來** 冠弁巾帻悄太古布冠齊則緇之夏曰毋追殷曰章甫 **爾題名之以情元帝 額有壯髮始引情服之王莽髮禿** 1者賤人不冠則服帻秦加武粉首飾以絳帕漢加以 服皆以楚王之稱多冠赐法官照罪 告非古制 交朝 脚直 朝天順風一脚幞頭上 回 者 通 随 用又有高 用

中緣中萬中纖帽自萬乘王公士人野人各隨所宜漢 情也晉志有所謂納情白陷鳥紗陷江左常服漢中幅 |章甫而孔孟家所傳畫像冠服猶古至秦而下冠始加 というほという 亦然惟先革多尚紗帽深衣亦甚典重大抵勝乎唐制 郭林宗塾巾唐赐臣下以悟巾又各随所尚宋朝常服 衣冠矣夫深衣又曰单衣禮記言之詳矣人皆能辨其 加其屋而光武亦當岸情而迎馬援於是乎有介 巾帻赤帻黑帻之制以别文武然則公西赤所謂端 學書考索續集

多分でんる言 制度惟方領中矩取夫折旋之義而已非必盡如矩方 銀縢組負璽以從今考之禮記天子佩白玉而玄組綬 璽佩載印綬東漢志云古者君臣佩王有度所以章 公侯山玄玉而朱 以采組連結於碰謂之綬漢因秦制加之以印公御 垂散旅膝所以執事戰國戰爭去戰佩而留其係碰秦 下皆佩印綬天子帶綬六采而不佩六璽使侍中以金 し合く 人製衣領或類道流所謂堂衣者其俗特甚 組綬卸大夫水養王而繼組綬

自泰以聖為稱白蛇的同傳晉武庫火知己夫 臣气自泰以聖為稱漢高祖得始皇玉聖名之日傳 問實 印蘇泰佩六國印朱買臣佩會舊印印亦非始於漢也 漢志注曰印璽也泰以前皆金玉為印龍虎紐惟所好 王粲伋制玉佩而宋因之 しいう自公言 於秦也宋志又云漢明帝復佩王之制至漢末而廢魏 "鰛組綬自周已然非始於春也泰漢有位者皆佩 有位者印亦不佩矣非惟萬乘不佩璽也宋志引 無得用玉又知印固非始於漢而璽亦非始 奉書考京結集 /故宋皇太子諸王有瑜

秦以前丈夫皆佩納王童子亦 石佩刀象白虎晋以來始以木 劒代之今皆不然又 存佩玉而公服 |非解安得而入易直子諒安得不油然而生 唐制公服有紫緋緑青碧今無毒 公侯有水蒼玉之 投魚丁淵宾旅 不佩琴瑟無故不去身以見禮樂 則 佩魚而已 /制今惟上 佩艄群今亦不然 Z 、朝會大 漢制左佩納象 人祭祀 D 斯

多分四人名言

をニナハ

粉從皆服ご 伏興唐開元中諸笏五品以上用象九品以上用竹 晉宋以來謂之手板晉宣帝時內外婦人亦執笏拜伦 **龜刀碼今止有魚唐制魚有金銀銅翰今止有金銀唐** 大而不全類魚問禮諸侯之笏用泉大夫以魚須文 たこりをという 尊今皆不然晉志云草带古之攀帯也上而有位下而 佩魚係而垂之其制小而類魚今乃係之於帯制稍 **一同小異惟衆笏唐以前盐後直前屈後挫者為** /其有囊綬則級於带口 华萬考索綺集

金分四人名言 繇盡奉公祖二球而兵士有着芒屬者閻立本盡昭君 同於此愚謂志禮樂者宜紀一 圖畫衣冠劉知幾議祕閣有梁武帝南郊圖多有不冠 笏则垂紳三尺有事則書諸紳惟笏亦書以紀事故常 **乘馬者此乃後人所為葢當今有古圖盡多矣如張僧** 有帷帽創於隋代非漢官所作則知烈武南郊圖義 匈奴而從人有着惟悄者夫芒僑出於水鄉非京 臺省官內侍籍之他皆不籍與今皆不類 一代所用之文足矣节徒

たビロをと言 大鬼使之知禮泰漢以來惟孫其韓白之訴是尚而治 郊已御輦而不御格則衣冠未必不乘馬問張武南郊必無不冠乘馬也然梁武帝南言日月至了方方是在江西以及二尚書即即 無非示之以禮也下至春秋圖伯之君欲用其民亦必 之掌教之司徒者聯比問族黨之情次伍兩軍旅之序 事也乃皆謂之禮周官司馬掌兵而起軍旅之法乃屬 馬蒐苗獮符旌頭罕畢以先驅金鼓鍋鏡以為節皆武 **蒐苗獼狩國之大事惟祀與戎戎兵凶罷也有軍禮存** 李吉方索約集

金为以上人 征西怨無敵於天下也累聖相承太平日久蒐苗彌狩 都數十年而一 慰降王之心無非禮也察見諸将之不嗜殺人者然後 兵閎武之 2曠典一旦用民惟謫是恃于禮乎何有惟宋太祖嚴 則武不得以抗文談笑從容殺節度之 伍階級之法則下不得以凌上三衙見字執橫仗肅 非止殺人之中猶有禮也此所以訓兵十五萬東 /事鬼苗獼狩之禮萬乗少親御馬或十月而 一講如馳射上林講武驪山者遂為希 をニナ六 權寫接無柔

久に日本人のとう 無足言者古者食老更屈已而尊高年所以示孝悌 禮行朝覲聘問皆有時序而後享禮行凡是二者以尊 於金鼓目不熟於戰陣也太祖察講武造於物林真宗以 而親乎卑者也自秦罷侯置守而情不親故射享之禮 射享食鄉古者天子諸侯弓矢射侯皆有名數而後 不敢前靖康之變王師遑遽而無策者由斯民耳不熟 禮希請而百萬之師安於泰養澶淵之役衛士瑟縮 関武 寇行之事時 講木九布湖 奉書考索紛集 Ī 射

以尊而下乎卑者也自秦尊君抑臣其分過嚴故食鄉 義鄉飲酒尚齒而不尚爵所以明長幼之序凡是 經釋奠之典常行而養老之文不具太宗真宗言及鄉 禮無行之者漢魏以來間有行之者遂為椒見而亦 存於嘉禮真所謂具文而實則不然也宋朝幸學講 人情之所安故凡諸志所載五禮之目而射享食鄉 /禮皆不果行 , 洪樂就 門惟射享之禮有可得而言 禮凡遊幸池於躬率武

禮不可一日於也 久にり見らい 宴觀燈觀稼校攤賞花釣魚皆有宴然有禮有分存馬 德殿蒲團之别至典宴則用天子郊祀籍田禮舉則大德殿殿上朵殿雨廊有為幽天子郊祀籍田禮舉則大 襲衣金帶鞍馬之賜孝宗朝令學校文武士皆習射至 臣宗室臨射上中的則從官奉觞為壽其射者中則有 至崇觀間顧乃過為褻瀆其變有不可勝言者乃知是 **享羣臣故事常以春秋之李仲月及誕聖節大宴于** 今文人多能之者殿庭策士稍以是較能否也至於燕 作高考索結集

義或冠於廟見欽若昊天式是六合也宋儀禮注云晉 冠也東漢禮儀志云乘與初加緇布進賢冠次爵弁武 國君十五而生子冠而後生子禮也是不待二十而後 征成王年甫上 宋以來皇太子及諸藩王冠加一晃帻而已是不待 弁次通天冠所謂三加元服也設金石之樂行裸享之 冠昏喪祭人生二十曰弱冠三十謂之成人然周公東 漢禮乘與皆用正月甲子或丙子日凝練正始之 t 十六而與大夫盡弁以開金騰之書禮

金少口匠人

所載喪祭之儀至備身不能行而乃聽命於緇黃者何 者遂以為笑端不特此也大昏萬世之始三綱之首聖 矣丧以送終所謂大事祭以時思所謂終身之慕二禮 賢之所重而後世之所忽非惟六禮其之能行而世教 之家猶存此禮而士禮畫廢矣其有以某子冠告同列 道也唐太宗貞觀中用十月處造兵設儀衛妨農時故 日食 賣昏之家至今習以成俗哆然無顧人倫掃地畫 也分朝政和間皇長子初行冠禮遂編次五禮今王公 こりしたます 存者者來職集 圭

以日易月之制後世固有改之而終莫能改者情之 則悖於禮者多矣 哉蓋古者喪祭韶禮者有人 而身得以自安其有知所敬畏者縕黃猶詔相也不然 **短丧漢文帝鑒平勃之事不欲百官聽命於冢宰遂為** 行禮於其間而無悖於禮也令人 何以哉故凡歴代之所謂凶禮大本既立其餘節 也烏有天子之 /孝刑於四海身不能行而欲天 人相禮者有助故致孝者得 以緇黃代詔相者 所

金好四屆人言

卷二十六

害時思宜從今古者為棺槨衣衾以土葬禮也今也 萬來有上陵之禮下達 废人有掃 墓之祭雖非古義不 墓祭火葬夫子曰拜下禮也今拜乎上吾從下麻冕禮 也今也紀儉吾從衆愚亦謂古不基祭禮也今也下 亦皆權時之宜也 自有司存不你)俗效夷狄之法有火葬水化之慘其為悖禮甚矣 以祖建隆初故曰禮從宜又曰禮時為大 論辨宋朝渡江以來所以待金使之 看書者索顧集 Ī 自

早 者不持服至今猶然則知濮議之與歐公未必非 率然一言亦中於理於是議武臣官大者持父母服官 母死而令持服安得為高論葉夢得不覺數曰俊人 無徒是古非今也 玉堂唐子萬曰今日不可為高論歐陽永权勃然曰父 凡適其宜而行之以順則古今之禮亦可以通行矣 日之定見所恨不知權耳 服議故事武臣不持丧韓汝王奏請如文臣會議於

金少正人子

卷二十六

	 <u></u>	
1.1/C. Jan 1.1/2		
學者考察精集		

多分正是人 奉書考索續集卷二十六